

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第二〇七冊

責任編輯：孫言誠 賀 偉

ISBN 7-5333-0535-3



2012/10

四庫全書存目叢書·史部二〇七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二〇七冊目次

史部・地理類

閩書一百五十四卷(四)

〔明〕何喬遠撰
福建省圖書館藏明崇禎刻本

.....

閩書一百五十四卷(四)

〔明〕何喬遠撰

福建省圖書館藏明崇禎刻本

附《四庫全書總目·閩書一百

五十四卷》提要

閩書卷之一百十一

英舊志 縉紳

興化府 莆田縣七

皇朝

有傳

彭韶 族子甫 甫子大治 治子文賢

吳繹思 姚綿 吳清 從姪孫 音 陳音

楊琅 從子國 本 吳宏密 吳希賢 曾孫三

林誠 族姪孫 華 曾瑤 林講 陳叔疇

林祥 李元 弟文利 陳純 子瞻

閩書 卷之一百十一 英舊 一 興文

林正 黃璉 子講 丘山 曾孫秉

從姪泰 方守 從弟彬 方珪 廖德徵 從孫伯

陳裕 黃芳 翁端 陳懋源 從孫伯

曾姪孫 應魁 伯獻 曾孫其志 吳仲珠 朱愷

第梯 丁襄 梁璋 方維翰 吳球

李德美 黃節甫 從子榮 榮子謙 張澤

高俊 陳世顯 鄭光與 丘天祐 陳仁

鄭寶 周進隆 余徵 郭紀 陳謙山

林大霖 黃黍 方良永 弟良節 良永孫

良節孫 良節孫 良節孫 林鋹

黃 闢 黃 相 子日敬 許 璣 陳茂烈

林 琨 李廷梧 子紳 陳 深 王 鏞

張廷槐 黃體行 吳大田 陳 簣 第虎

馬思聰 子明衡

彭韶字鳳儀天順初進士授刑部主事成化初爲員外郎疏論僉都御史張岐不稱風紀請召用王竑李秉葉臧忬旨下錦衣獄得釋尋進郎中韶司郎中爲廣東司司隸錦衣有所冒犯前後人多貸之韶守法一無所撓京師姦民投獻眞定武強等縣民田於慶雲長寧二伯二伯故 周太后弟有司不敢拒

閩書

卷之二百十一

英舊

二

興文

爲之籍美民田有田者不服 上使韶往度韶

環視周匝徑歸還奏曰眞定古冀州域其賦爲第一或雜出爲二等說者謂如周官田一易再易之類蓋其地間有歲一收有兩歲一收者坐是賦有不同明一畝必兼數畝未嘗逐畝定賦矣 高皇帝初

宣英二廟軫念北京亦如

高皇帝詔

今長寧伯所求有司不能白奏籍美田應之臣履畝其處見地有高下歲有旱潦旱時資下以補高潦時資高以補下沿河者流徙不常鹹薄者積歲無獲率

皆截長補短取彼益此是以堯舜錯賦於前我

祖宗絕科於後即今徵歛繁興丁無游民尚賴顧

戀地業力耕粗給若計畝論畝餘奪爲美臣知非成

則從耳眞定近在畿內國家根本戚里功臣患不富

貴哉奚必廢國之根不與戚休爭民艱食利也臣前

到彼民扶老携幼遮道哀告不覺自失誠不忍履畝

奪小民衣食地望 陛下特治臣罪開生於百

姓 上怒曰使韶度田韶但如 詔乃徑歸

其下錦衣獄科道官交章拯得釋俄有請荒田者

憲宗曰不見 太后家請不得耶六年陞

閩書

卷之二百十一

英舊

三

興文

雲南按察副使安岳扈氏焚滅劉姓一家二十一人

定遠曾氏殺其兄一家十有二人皆以疑獄久淹韶

一訊輒得十一年陞本司按察使鎮守雲南太監錢

能道人進象沿途索賄鎖人象足非法拷刑韶上言

自古帝王不患娛心之不足惟憂德業之未隆是以

恭已勤儉綏遠賤用錢能屢貢寶石象馬禽鳥之類

近又進金燈號爲絕奇雖曰敬奉朝廷夫豈堯舜其

君以致萬里勞人承遠之徒狐假烏攫伏乞將前物

罷去嚴勅內外臣下敦素守法撫安夷民則遠人歌

舞聖治無疆十四年陞廣東左布政使時朝廷屢遣

中官採辦土物蜜煎果品藤絲雕漆器皿海味布疋藥材銀鑲酒器等物韶屢有陳奏其後論太監梁芳事忤旨調貴州梁芳廣東人貴用事爲其第鎮撫德請得自往來廣中備土貢所至給予船車人廩韶言進貢土物

祖宗時亦有之然皆鎮守內臣見珍奇之物服食四遠及於禁庭無繇嘗用以故依時採入若其第姪家人等在臣庶自備進貢襲尊莫甚昔唐時諸鎮進奉其後幕僚亦爾相踵史書譏之邇廣東鎮守等官已各進貢今近侍家屬又許自行臣恐法令日異利害別生

閩書

卷之三十一

英舊

四

四文
三百九十一

上不悅芳從旁言韶

事事邀名方命徒以左班相左右得大官乃益無忌上睦之芳伏地叩首然竟坐調去吏部尚書尹旻屢薦韶可大用尋以明年擢右副都御史巡撫蘇松嘉湖等處二十一年以星變求言韶疏言更新曰始成功曰終邇者歲暮正旦星變兩見歲暮功終正旦新始善始如終天心仁示

陛下也昔魏

徵陳十漸之疏唐宗嘉納臣愚妄謂今日治毋他求惟守成功之初足矣伏惟成化之初

陛下廢

立中官家禮嚴矣年來聞鎮守內臣貢獻

萬

貴皇妃位下或加中宮

上又褒陞其家幾與

先帝時后家呼

陛下若俯念四海爲

家之義少納臣子家衆之言以時裁正俾彝倫攸叙而陰陽不調災害不弭未之有也此

陛下正

家之禮有未終者也成化之初內侍稀簡防微深矣近大小名數漸增且以萬計利源兵柄多付其手違禁犯科少有加罪求得請從

陛下久御明事

何不及此時斟酌裁省俾內外之務各還職守立制傳後無使異日偏重勢成更張不得此

陛下

慮防之意有未終者也成化之初禁止天下貢獻儉德著矣數年鎮守公差爭求珍異克貢茲又令獻方

閩書

卷之三十一

英舊

五

四文
三百九十二

物悉如天順三年以前例夫其名克貢奉實剝民財水陸勞擾人馬疲頓私室被恩公家歸怨誠無益也古人遇災皆欲減膳撤樂豈宜轉令爲此此陛下持儉之德有未終者也成化之初保傅六卿未嘗輕授近年公卿輔臣無故輒加保傅寺監衙門多以高官兼掌及其致仕恩澤又予月米歲夫陛下爲此無非所以禮大臣也然施於忠賢勞烈則人感人奮若泛行之孰不阿順從欲圖後寵哉此陛下用人之道有未終者也臣聞因事爲功古人所貴鑒往慎來所謂謹始謹而勿失所謂善終書

曰終始惟一時乃日新又曰德日新萬邦惟懷此真

陛下大聖人事也時已召爲大理卿及是疏

上道改右副都御史巡撫順天等處兼整飭薊北軍

務詔復累有建白 孝宗卽位臣僚交薦詔與

王恕等人望所屬召爲刑部右侍郎元年嘉興百戶

陳輔以私鹽坐罪因而作亂劫庫放囚兵部議浙江

租稅甲天下有銀礦鹽場易以生盜宜勅京堂官一

員至彼緝捕巡視時以詔風力遂以命之詔追敗輔

衆輔自刎死因劾罷守臣一人遂定既戶部言兩浙

鹽法久壞因命詔兼都御史留治其年轉左韶清鹽

閩書 卷之百十一 英舊 六 四十四

課有宿逋者酌其年歲父近量蠲與減復減處州及

泰順縣礦課歲萬八百有許裁革松陽宣平雲和三

縣管場丞各一員皆從之事竣還朝圖進竈戶窮苦

之狀凡八復條陳六事戶部覆議通行爲例從之詔

復言近者災異求言臣方在外還朝見詔實爲驚惶

臣但言臣所部事臣部問擬囚犯多發佐工運灰以

備急繕近聞修浚河隍將待即吉游觀扮飭館宇以

俟不時行幸臣部所追囚犯紙劄賊罰諸色雖非經

費亦皆軍民膏血近聞取以供佛奉道臣誠恐行幸

遊觀侈心萌而或入於聲色玩好供佛奉道怠心起

而不究於脩齊治平 上納之明年轉吏部左

侍郎其冬彗星見詔問羣臣時政得天軍民利病詔

復疏言四事其一言內臣出入左右人所畏憚言語

輕重能爲禍福今兵馬倉儲盡付其手凡有章奏無

不先允後下所部承行是名失政及至犯罪多從寬

免有毆死人者竟不詰問或詰問成獄旋復宥之是

名失刑政刑既失又復妄費不惟不禁且助成焉成

者或給葬資在者或許蓋祠廣地第宅服食百凡踰

制聲勢之盛於茲極矣伏望 陛下公正以服

其心勤明以折其氣上法 祖宗朝綱獨斷褒

閩書 卷之百十一 英舊 七 三十九

獎善良斥遠佞嬖使事務歸於所司咸福無從旁出

四年復言今百官日衆俸支不給設法補救猶恐無

方而比多有無功之人夤緣請謁授以千百戶等官

甚有乞恩承襲都指揮者或以修城微勞而陞匠官

或以傳奉罷革而遷良醫又有中書考滿超陞三級

者 陛下宜重名器惜廩祿勿謂小官爲可與

勿謂雜流爲無害 上並嘉納之其年陞刑部

尚書安遠侯柳景鎮守兩廣都御史秦紘發其賍以

萬計有旨逮問詔抵景于法景爲慶雲伯姻家欲挾

援傾紘詔力救之景追贓十之一其母奏乞

上下法司宥除詔奏昔唐宣宗元舅鄭光官租不入京兆尹常澳械其莊吏宣宗欲寬之澳謂法行貧戶致令不平徵足乃罷柳景無元舅之親賦賄非負租之比十未及一反見宥除臣守法規澳恐無以革汚懲貪然景竟以慶雲故免五年監察御史彭程坐諫皇壇事下錦衣獄久不釋詔言彭程監收光祿寺錢糧坐論修齋器用得罪夫程為御史諫乃其職但不能極言本寺錢糧消乏所繇却違引李孜省事致觸

聖懷傷念

先帝然其忠心可諒也臣

聞光祿寺支費泛濫錢糧缺少牲物槩行賒買舖行

閩書

卷之百十一

英舊

八

興隆

往往逃竄及今不節善後實難仰惟朝廷清明臣等於此時忝備卿佐每歎為千載難逢但思四海之大日引月長民窮財盡又未嘗不惕然懼者乞令本寺籍記日用之數斷自

聖裁痛加節省更望

聖慈特赦程罪

上雖不允彭程之請亦

令光祿寺籍數以聞頃之元早詔問時政得失軍民利病詔條陳本部職掌四事居頃之以二子三孫相繼天下連疏乞休

上勉留再三乃允命乘傳

歸有司給月米歲夫居年餘卒贈太子少保諡惠安道官諭祭營葬始詔為郎諭因常求生之至元奸宥

敦雖權貴交囑不少貸及居臺治大吏貪縱甚嚴小官誤犯多所開釋巡撫南畿論者比於周忱其律已

之嚴出納之慎則謂過之畿內中官典守皇莊聞韶為巡撫皆自禁戢而督耕戰嚴守備虜不敢窺邊為

大司寇平反慎刑平生誠敬暮年名德益尊行旅走卒皆知韶名趨步儀狀繭然寒士郎時與何喬新同

趣並為人推侍郎吏部時王恕為尚書皆以潔已奉公重後裔新恕相繼去韶遂乞休喬新之沒也林俊

為江西都御史為請諡因言臣聞韶喬新少隸刑曹並名時選積官俱至尚書韶忠亮懿醇喬新貞方恭

閩書

卷之百十一

英舊

九

興隆

慎儒術吏事兩所精究共學古人之清同任天下之重韶沒贈諡備加仰見

聖天子優寵至意但

文正忠節韶皆足當不審何取惠安之義不類韶平生無以服世信後乞下議更諡事雖不行上諭當焉

韶所著有國朝名臣贊及莆陽成鄉志政訓等書子

濬舉人族子甫甫志載慶吉士鄉志以府言傳時同濬等逮詔獄生妖言論極刑公族

不判按智獄成時公正巡視浙江後人但見案牘無公判押遂以美公公名節之美固不借此一事為重而世弟見公人品遂因影響以美公亦見君子之可為也

甫字原岳和粹朴厚自律甚嚴舉成化進士授南戶部主事陞員外郎聚書萬卷公退據案疾讀至忘寢

食爲文章典則雋永士多從學擢廣西按察僉事提督學教不用糊名識士內艱制滿補湖廣以先寃澤物爲已任至法所當按亦無貸詘劉瑾擅政賦壺南招隱詩見志尋上疏乞休瑾惡之不俟部覆徑允致仕瑾誅以寡援不復起子大治

大治字宜定舉正德進士授南戶部主事進郎中

武廟南巡大治當會計事節縮惟宜以才出知

楊州府閉關固鑄罷一切無名供費以法律馭豪右

雖貴勢干請屹然不撓坐爲所中調知叙州洞蠻叛

督府署大治撫之大治親入山谷諭犒相率解甲羅

閩書

卷之百十一

英舊

十

三百九十一

拜即時散歸外艱關改知韶州操節矜嚴功最五嶺

陞長蘆運使竟卒於韶子文質

文質字在份嘉靖中進士授揭陽令縣方中倭文質

備禦有方權戶部主事歷員外郎出守桂林剔積蠹

抑強宗郡無留獄治行爲西粵最建擢西粵副使叅

政時議征八寨徑幕府以兵事問文質對曰兵者不

得已而用以弭亂綏民耳倘藉爲功伐非所知也幕

府歛容嘆服即以督餉紀功委焉先是靖藩驕甚以

葬母妃故縱舍八子掾括竹木爲民害文質一切裁

之而又馭下廉廩以此被謫罷歸讀書談道環堵蕭

然不問也彭自甫而丁三世甲科並著清譽人以爲難

吳繹思字思周宋叔告之後舉天順進士令德與同

知瑞州俱有惠政陞惠州知府屬邑有巨蠹怙勢虐

民法繩之守禦軍政爲上官所更張卒伍忿其不便

將爲變繹思諭之禍福皆羅拜丁內艱起復除潮州

海寇竊發躬率吏民激以忠義遂殲之陞浙江叅政

華轉右布政使繹思丰神秀整孝敬樂易接鄉隣于

弟雖困倦未嘗不衣冠早以經學名及門多所造就

若戶部尚書周公經工部侍郎張公憲都御史汪公

閩書

卷之百十一

英舊

十一

三百九十二

奎皆佩服繹思而有用於世者

姚綿宇懷遠教臨清率履動遵古人巡撫翁都御史

有夙好竟不爲干謁臨清人重之

吳清宇德清任麗水教諭改奉新凡十八年致仕忠

愍剛介世味淡然皓首未嘗釋卷年八十餘卒從弟

承宗彭澤教諭承宗孫音

音字師夔授金壇教諭擢全椒知縣廉明慈愛關節

不通行取風憲官赴京爲邑中貴人排抑竟陞寧海

知州隨罷歸襟懷洒落絕口言貧

陳音字師韶宋明州觀察使淬之後舉天順進士改

翰林院庶吉士仕至南太常卿卒音成化初爲編修時修撰羅倫諫官王徽等以言事先後貶斥中外結舌音上疏近年災異屢見雨暘愆期臣備員論思敢竭愚慮竊見

陛下春秋二時雖間御經筵然

勢分尊嚴上有疑未嘗問下有見不敢陳願於退朝之暇擇一二儒臣有學者引對便殿少霽天威有疑輒問務使

聖心渙然而止方今人才日降

言路日塞異端日熾宜召還致仕吏部尚書李秉修撰羅倫編修張元禎評事章懋給事中王徽新會舉人陳憲章置之臺諫革去法王佛子真人位號禁止

閩書

卷之百十一 英舊

十二

方五

創建寺觀則正人用言路開妖妄息不報其爲侍講時司禮監黃賜母歿省寺監院無弗吊祭獨翰林未之詣也徐侍講瓊言于衆曰時且如此獨得不往衆或應或默音慨然曰堂堂翰林相率拜內臣之門天下謂何斯文謂何詞氣憤激聲淚俱下言者大沮西廠初建太監汪直方用事其爪牙常瑛夜率邏尉入兵部郎楊仕儒家收縛拷掠及其妻屬音與比居登墉大呵曰爾何人敢擅辱朝官其人曰爾何人也而呵西廠音曰我翰林侍講陳某也國無章乎而敢爾尉亦稍戢矣其爲太常少卿大學士劉吉奪情起復

音移書止之吉不悅其後當路有缺吏部擬音輒爲吉所沮曰陳某腐儒也遲遲九年乃得進卿尋卒音就書草思恒忌外務事無大小不訾省輒曰也罷人稱也罷先生他日欲訪客輿人問所往輒曰去去墮人周迴道上不知其所竟歸家人門見其妻曰汝何爲來此世人以與比齊劉孫相配其在翰林時潛同館携酒翫月長安道李文正閣老入朝過之音邀文正下車痛飲乃別翰林以爲美談孫須樂事母孝以長者稱終常州教諭

閩書

卷之百十一 英舊

十三

方五

憲廟登極詔書停罷鎮守內臣中外欣悅既改元有貢獻希復者琅極言內臣不可預政倖門不可輕啓復與陳恭愍選論劾兵部尚書馬昂翰林學士倪謙請起前兵部尚書王竑召還給事中王徽修撰羅倫等俱不報時號敢言御史出按江浙二藩靜重不肯擢山東按察僉事提調學教適歲歉糶疫大作巡撫大臣以地廣民饑命琅與藩臬分道出賑琅精心受事行至東阿染疾既革自起更衣冠端坐舟中乃卒諸生哀感醵賻以歸琅居家孝友蒞官端介篤學善文兼工書法從子國本

國本宇在培教諭博羅和平接士貧者周之督學令疏不律生徒國本第列其有行誼者以進入相長者遷威州知州

具宏密任處州府學教授善訓士士念之

具希賢字汝賢唐屯田員外郎祭之後選翰林庶吉士同年李東陽少有英譽希賢才思敏贍獨與相角授簡計預修

英廟實錄有實家子冠姓者密

以賄丐希賢潔飾其父希賢曰吾將見董狐地下進修撰陞左春坊左諭德南京翰林侍讀學士卒於官希賢負奇少許可爲所可恒口不置爲文意新語壯

閩書

卷之二十一

英譜

四

四

解僚友宴集或聯句或分韵頃刻累數百言同官太倉吳欽贈之詩曰汝賢與欽爲同宗文采照耀珊瑚叢欽也無似真凡蒙駕臨鈍足其後從其爲時輩推服如此姪彰德官御史僉事有才名曾孫三畏

良字曰寅知岷縣岷故無城城自三畏始其始作

時倭寇見斤倉皇拮据乘夜作治工及半寇從天台來望見炬燎燄天呼噪不絕以爲屯兵遂宵遁既成城賊復至登陴守禦竟以亡害

林誠字貴實宋侍郎彬裔天順進士授監察御史成化四年因星變與諸御史給事中董夏胡深等論劾

大學士商輅禮部尚書姚夔兵部尚書程信

上留輅等輅等不自安各上章求退而夔奏詞多詆

上震怒命錦衣衛三法司

執爰等廷鞫之誠復言商輅當邸廢儲之際不能

正救今復起用不合人心是以臣等具有論列臣言

上曰唐太宗

用王珪魏徵朕用商輅有何不可而屢屢奏擾亦命

廷鞫之遂與爰等並逮杖復官未幾奉命按視河道

閩書

卷之二十一

英譜

五

四

大臣阿意者發謝病歸養母家居十年當道愛其才屢檄起之成化十九年賜原職命理兩浙鹽政適初春地震馳上弭災十事不報至浙鋤奸豪革宿弊釐法一清老吏謂百年來無此御史也二十年再陳八事大槩皆疏通鹽政以紓國家之急咸見采納以疾告歸誠蒞官明達吏事精勤有所弛張皆切時弊凡事人所難爲者一切易之都御史滕昭屢揚於朝曰以六察官而舉都憲職林某耳子近龍任監察御史嘗疏發逆濠營建及大學士靳貴柄文囑賄二事陞廣西按察僉事子鍾榮孫彥光俱歲貢彥光工詞賦

族姪華

華字積中一字廷彬嘉靖進士爲刑部員外郎坐爲主事時皇親張鶴齡下獄禁繫不嚴謫六安州同知巡按及督學檄諸生師華建岳麓書院命王之若岳麓口義十卷量移長沙同知尋擢鎮江知府勢豪擅洲田民羣訴久不決華斷爲公庄富民殺人賄獄時宰夏言亦以獄囑華立斷成案言惠華嗾按史誣奏華激變逮繫詔獄發鎮江哭送幾萬人逮者愕眙且嘆曰是真激變矣至京上奏自理世宗疑之諸貴人亦多言華枉於是罷爲編氓郡人立華生祠

閩書

卷之二十一 英德

十六

三百五十四

家居十七載簡靜寡合巡按御史連薦之

曾璫字一白成化舉人仕南國子監學正起復赴京會御史彭程言事論夙首論赦之復補學正陞南國子監丞與祭酒不合乞致仕吏部留之竟爲祭酒擠歸

林講字尚友知連州歸無厚貲以先業讓弟

陳叔疇字孟儀成化初舉人事母至孝十年不赴春

闈終周府長史加四品服

林祥字世祥以乙榜教諭博羅滿九載諸生立祠學官題其柱曰先生真白日後學仰清風吏部試優等

當得令懇辭遷饒州教授復九載諸生請汪王爲文碑之學官覆碑以亭顏曰思服遷國子助教與館下士講解不倦會淮府缺長史王重其人奏乞補之未幾王薨世子幼祥盡心匡輔以年勞陞四品告老歸祥敦慎好禮在官五鼓必興盛暑不廢冠裳饒庠時嘗召工鍛一銀器將以奉所尊工侵盜將半僕究詰之祥遺之雞米使去戒僕曰若露其惡誰復任之彼藝絕矣

李元字乾伯父瑩成化初以經明行脩應辟元以鄉薦乙榜授東莞教諭與於問學模範端恪擢廬江知

閩書

卷之二十一 英德

十七

三百五十五

縣守入覲弗忍歛民以賄守讒之罷歸嗣是令屢更民屢困父老益思元元安貧好學老不改操汲引後進後賴其知名年九十四卒莆人以與黃僉事榮廖僉事德徵李叅軍純稱一時清貧先輩後人哀替殊可憫惻

文利字乾逐歷桂陽教諭思南教授所著有律呂元聲兄元爲序曰樂者古昔聖帝明王所甚重也至周情文大備律呂度數人人習知秦去周末遠猶有存者六籍既焚樂經淪喪其制遂亡漢儒掇拾煨燼莫知適從河間獻王與毛生共採周官及言樂事者以

作樂記亦不言制樂之度至司馬遷止因九寸之文遂以九寸為黃鍾之管不知為黃鍾之變積數之極也漢解亦以變數之極為準非黃鍾之始也孰悟子月一陽之始可以九寸之老當之乎歷晉魏周齊隋唐五季議者愈多而法愈亂宋建隆之後雖亦致意而和峴胡瑗阮逸李照范鎮魏漢津劉几楊傑之議終不能相一至蔡季通雖稱近世所未講無一字不本於古人已試成法然以九分為寸變律半聲三分損益上生下生務尋隔八仲呂而窮往而不返甚為未當大抵踵遷之失余弟兩山文利雅好古樂力搜閩書

卷之二百十一 樂舊

大

四百九

遠取乃得劉恕通鑑外紀長孫無忌隋志呂氏春秋所載黃帝命伶倫取竹制律斷兩節間三寸九分而吹之以為黃鍾之官曰含火因而究之稽以歲月推原本根條理通貫清濁攸序始終相生天入之道昭合無間遂以三分九寸為黃鍾一陽之始積滿九寸為蕤賓老陽之極二律為經十律為緯左右對待俱得數一百二十九分三分損益隔八分相生案圖可定非襲儒先之舊業實得天數之自然劉恕無忌能存度於羣迷之時豈心有所見而獨得耶抑天惜樂之亡特存其迹以待知者復之歟顧續史者反刪而

以九寸為黃鍾之真棄此而不之究可嘆也是書作於桂陽致授思南猶未脫稿病劇命姪岳清錄之甫成而逝乃絕筆也倘得識樂君子相與議之究此聲氣之元太古之樂可復太和之治可致而余第一得之思不虛矣楊廉稱文利所著書天授獨見嘉靖御史范永鑾以聞於朝惜鮮通其解者

陳純字則和任定海教諭師式先賢範模後學署縣數月衆務畢舉民不煩擾卒官士民祀之賢祠
晦字待徵累官江西叅政以忤中官劉瑾致仕與林俊陳茂烈張元善文章政事推重一時

閩書

卷之二百十一 樂舊

九

三百九

林正字克全成化進士授監察御史巡視山東河道且罇濬湮自山東直抵儀真植柳兩崖堤岸盡固減椿芻價以蘇民梁支流以通渡巡按蘇松常鎮四郡繩違雪枉有丹陽令善結權要正嚴按之權要交口救解不恤也繼按廣東首詢民瘼輒形於詩曰鳳鸞自古高鷹隼郡邑于今尚繭絲豪黠之吏方聞風歛迹遽卒於官

黃建字汝器成化進士授南戶科給事中木訥簡野選給事理不合為給事以才望擇汪直擅柄王越相

倚爲姦利連率科道極言

憲宗遂二人連其

黨以盡陞浙江叅議提督溫處銀冶鑛故竭率輸自民以糧爲差新鑛開一出盜盤據之民重驚擾連曰鑛地利也不輸自地輸諸民天下皆治也獨溫處哉且新鑛徒餌盜奚功國與民遂擒其魁散其徒疏言罷課塞鑛

上可之改雲南叅政貴州連爲貴

州左右布政普安上知州歿妻朱曾謀自戕毒殺其庶子生事者急之曾遂爲變及疏自直官多被誣辱獨不排撻一句卒于官曾曰人須自立忠信廉謹吾事也升落毀譽吾寧知之居官幾四十年田不頃增

閩書

卷之二十一

英傳

手

三

屋仍舊隘季子講

講字彥通正德辛巳以貢授淳安訓導提學萬潮重其學行即會城建萬松書院擇兩浙雋士百餘人檄教之薦陞南國子典簿不樂其職乞改外庠未得命卒講孝友廉約父遺之川扇一握至老如新遺命曰必以殉兄詢發地得金曰此或先人所遺請分之講曰先人廉安得有此且在兄居室之界固辭不受其卒也門人爲殯殮祭酒林文脩率僚屬賻之乃得歸

娶

丘山字安重知瑞安縣捕治老猾豪置之法嚴禁溺

女教以婚嫁之宜以革奢風以旌異擢監察御史奉

勅清理兩廣軍政遠惡州郡無不身涉從容逮踐根究始卒親與定奪軍民交口稱便巡按應天被劾書恤刑並寬嚴得中獄無冤濫滿九載擢雲南按察副使致仕山少慕元儒盧齊韓之爲人諷其遺編甚習有所吟作類其格調而興致尤遠雅妙書法刻石崖州大忠祠一時重之子茂樸教諭德平嘗上革弊安民疏仕淳安知縣孫茂中正德進士至河南右布政使凝重簡默蒞事詳慎曾孫秉文從姪泰

秉文字鳴周嘉靖進士初除永嘉令以憂歸補長興

閩書

卷之二十一

英傳

三

三

遷刑部主事車駕郎楊繼盛論劾分宜相嵩語連裕

景二王世宗大怒繫獄論劾分宜密諭西曹

郎若繼盛者屢秉文獨厚遇之李肅愍默爲太宰以

此奇秉文奏遷光祿丞給事中楊允繩劾奏寺丞胡

膏黷貨諸不法狀膏遂奏允繩謫

上齋醮妄

費出草示秉文秉文面折之曰君疏辯誣足矣何至

以謾詞干

王上倘不測如國體何膏術之已

允繩竟坐膏劾論劾而膏大不齒於士論居亡何李

肅愍默亦坐誣逮繫分宜相子世蕃遂指秉文爲李

黨因以天變罷免秉文官秉文曰吾受知李太宰太

卒坐繫而尚靦然長安道罷後矣歸結社談詩語及時事憤憤也

泰字守嚴父諒山從兄也景泰舉人縣知縣泰舉進士令新寧剛明而斷平讞滯獄境內肅然盜賊屏跡

方守字宜約年十八舉鄉薦以進士爲戶部郎兩奉勅督理薊永山海延寧等處邊餉一絲不染積資當擢京堂僅出爲雲南叅政其部長不能平以質家宰王端毅怒端毅曰豈不知方耶雲南萬里荒外官解弛魚肉其民夷故用楊巡撫林憲副今又用方將更

閩書

卷之百十一

英舊

主

三百七十五

化于是楊者陽城繼宗林者貞肅俊也守與貞肅同在雲南修明要束拊循蠻夷每自夷中歸夷屬火伍數千走送羅拜而別或問之曰向撫夷至雞犬不寧今官兵不敢近吾家是以遠送轉湖廣右布政致仕舊業日落貧里富人又且不當得人曰二品官如是也耶故村居也時入城而諸公延欸之一日寒甚酒數行輒先去主人不能強許之已乃知其一子偶僕夫昇守以來深爲驚歎戶部主事陳仁嘗疏請優卹其卒也貞肅聞於當道助治其喪子彥廣東長樂知縣循良撫字有父風第憲以進士任新昌原武二縣

卒官亦囊橐蕭然從弟彬

彬成化中進士授工部主事不屈於內臣汪直竟被擄拾逮繫弘治改元王端毅恕疏舉剛直十餘人彬與焉

方珪字純潔成化進士選翰林庶吉士授御史巡蘇松常鎮及兩浙鹽課錢學士漣其子昂鬻販私鹽巡撫都御史畢亨檄蘇州府爲之給民倍収其價珪置漣于不理因劾學士貪利蠹法都御史附勢剝民知府朋奸不職乞並處治巡按真定諸郡革貪利刻弊政輦轂下無敢干以私者卒於官珪與林正同時爲

閩書

卷之百十一

英舊

主

三百七十五

御史並有志操而正年四十一珪年三十三士論惜之弟璋進士珊鄉薦姪孫夢龍鄉薦才質敏博意氣豪邁

廖德徵名珠以字行世澄坂農家且耕且讀遂第進士授大理評事服內艱忍貧匿晦耕婦時斗笠草衣偕羣農荷畚鍤蠶糞壤星言南畝村叟畦丁迄不知有廖評事服除如京要人問家政德徵對盡甚在坐吐出舌都御史宋英中貴人交惡成獄德徵辯雪之轉寺副寺正專慮刑書蓄勞成疾醫調攝曰近且食肉曰幾何曰日而四兩醫詒曰果盡曰損惠兒子

幾半醫嗟嘆涕出赴湖南按察僉事道出揚州妻姑
簪珥市棺衾弗辦揚州守爲之殯從姪雲龍任武選
郎却債帥金忤大司馬陞潯州知府

陳裕字孟寬今廣信永豐爲江右窮邑民淳可化導
裕開心任真民曉以愛裕於鄉之姓名物力良賦賦
役重輕差解遠近拍掌配別人樂承受無有紛譁貧
極下戶措置儲贖稍資給之強梁賊蠹鋤其泰甚他
無久繫之獄與慘毒之政訟牒不出境水旱不踰時
民間陳穀彙積數年不以動餘物稱是上司行部至
邑無一事可問貴溪都御史高明每歎曰陳令一府
閩書 卷之三十一 英舊 五

六邑之長也亡何卒

黃芳字體芬弘治初令雲和才識通敏決獄如流疏
賑河以溉田修學校以養士遷知遂昌學舍城門皆
其創建督急葬禁佛事搜隱田糧罷征商稅擢太僕
寺丞

翁端字正甫一字端伯掌教新建勤其官鄰郡來學
以百計縉紳諸公並嚴之三典文衡陞國子助教卒
有千里致奠相俸爲置墓田者

陳懋源成化進士謹慎沉默知武義縣革健訟禁庵
女築長堤以捍水患陞刑部郎中從姪伯獻曾姪孫

應魁伯獻曾孫其志

伯獻字惇賢弘治中進士爲南京吏科給事中疏逆
璫罪狀出爲提學副使未幾以母老乞歸伯獻酌致
才華翩翩絕俗文追南豐畫宗摩詰所著有峯湖集
若干卷曾孫其志

應魁字季元嘉靖中中角登第歷工部郎在部十餘
年嘉譽流聞爲禮闈同考官所得皆名士出爲浙江
副使有督兵勦倭功

其志字公衡萬曆中進士始令永嘉愷悌愛人衛承
芳爲溫州守特器重之丁外艱補奉化調長洲長洲
閩書 卷之三十一 英舊 五

故衝煩縣其志治辦無休歇又以其間延接吳士之
能文者海內騷人墨客皆與倒履爲盡以治行徵有
擠之者竟授南戶部主事已改南兵部旋改南吏部
丁內艱起補禮部精膳郎中疏言副院萬世德才弟
可治邊不宜內臺坐謫河池州同知歸而講孔孟之
學亡何卒

吳仲珠字淳夫少精學業踈於世故知義烏縣以公
錢助粵爲御史所按嘆曰士何往不自得哉家居授
徒自給經傳輿語一經剖發士暢指歸海內多知其
名